

دائرة مخصوصه

درسعادته باب عالی جو ارنده

محل اداره :

مشرط القیم

اخطار :

مسلكمزه موافق آثار جدیدہ مع المنوینہ
قبول اور انور

درج ایدہ بن آثار اعادہ اور انور

دیر، فلسفہ، علوم، حقوق، ادبیات، سیاسیات، وبالخاصہ کرب سیاسی و کرب اجتماعی و مدنی احوال و شئون اسلام و دین بحث ایدر و ہفتہ روزہ پرنشر انور۔

آبونہ بدلی

سنہ لکی

التي آیلنی

ممالک عثمانیہ ایچون	۸۰	۴۰	غروش
روسہ	۶۰	۳۰	روبلہ
سائر ممالک اجنبیہ	۱۷	۹	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادته نسخہ سی ۵۰ پارہ در

قیرلہ دن مقوا بورو ایله کوندربیلیرسه سنوی
۲۰ غروش فضله آلنیر

عدد : ۸۴

۴ ربیع الآخر ۳۲۸ پنجشنبہ ۱ نیشان ۳۲۶

دردنجی جلد

الواح انتباه

روسیه در مانده قریم بحرئی میرزا مفتی زاده نك لسانه ملی -
دائر ابرار ایدلیکی نظره صورتی :

محترم ملت وکیللری، روسیه تابع ملتاردن علم و تحصیل جهتده اک
کیروده قالمش اولانلر مسلمانلردر؛ بوحالک وبال و قباحی معارف نظارتنددر.
۱۹۰۷ نجی سنه یه قدر ملی مکتب و مدرسه لر مزده یالکیز مقدمات دینی
ودین علمی تحصیل اولایوردی. آنا دیلنده، ملی دیلزدده فنون عصریه
مقدماتی تحصیلنه مساعده طاب اولندجه معارف نظارتی جواب رد
ویروب دینکیزی او قویکیز، نماز دعا لینی او کزنکیز سزلره بوقدری
یتردها باشقه شیلر تحصیل ایتک ایسترایسه کز روسجه او قویکیز،
روس مکتبلرینه کیریکز دیه یول کوستریوردی.

بویله بر تکلیفده بولنق قولای، فقط فصل اجرا اولنه حق؟
روسجه برکله بیلمان چو جقلری روس اصول وعادتنده عجمی صیلری
دوغریدن دوضری یه روس مکتبلرینه ویرمک کورایورکه ممکن
اوله یور.

روسجه او قومق لزومنی بزده تقدیر ایدرز. بوزمانده یالکیز
عبادت اصولی بیلمک ایله دنیا ده یاشامق، چالشمق ممکن اولدیغنی
آکلا یورز؛ اوز دیلر فصل لازم ایسه روس دینی ده بویله جه لازمدر.
فقط بونک ایچون ترتیلی مکتب پروگراملری اصلاح ایدلایدز؛
مکتبلر مزده اوز دیلزدده هر درلوقلرک مقدمه سنی اوقومته یه مساعده
ایدلایدز. ملی مکتبلر ده، ملی لسانده معلومات ابتدائی آلمش اولاد
اسلام، روسجه اوقومته یه وفلرک ده ایلروسنی کورمیه هوس ایدرلر.
بناء علیه معارف نظارتی زلری بو غمق بولتیقه سنی آرتق ترک ایتلایدز؛
فائده سز پروگراملری تبدیل و اصلاح ایلایدز. شهر وزمسکی
مکتبلر نده برنجی ۳ - ۴ سنه ده فنی تحصیل کنندی لسانزله اولایدز.
یالکیز مکتبلرک صوک صنفلر نده وشعبه لر نده تحصیل روس لسانیه
اولمی. بویله اولورسه اهالی مکتبدن فائده کوروب امنیت ومحبت
ایدرلر و چو جقلری هوس ایله مکتبه دوام ایدرلر.

قریم وکیلی و جمعیت خیریه رئیس صقیله ملت وکیللرینه رجا
ایدیورم. بوایشه دقت بیورسونلر، دومانک معارف انجمنی غیر
روس ملتک ملی لسانلرینه قارش بر درجه مساعده بولنق لزومنی
تقدیر ایلشدر؛ انجمنک بوقرارینه دو ماجده موافقت ایدلسنی و بوقیل
مکتبه خزینة دولتن معاونت ایدلسنی جمله کزدن رجا ایدیورم.
(صول طرفدن آلقشار)

مجاهد شهیر ادهم روحی بک محاکمه سی مناسبتیه بلغار مدعی عمومیسنک
اسلاملر علیه متجاوزانه در میان ایدلیکی رسمی مطالعه فلبه ده منتشر (بالقان)
جریده اسلامیه سندن عیناً :

[حاکم افندیلر، ادهم روحی حسن مناسبات و معاشرتده
یاشاملری ایجاب ایدن ایکی ملت آراسنه القای نفاق ایتسنه نظراً
بیولک برجنایت اجرا سنده بولندیغندن طولای دعوا اهمیتلی وشما تلی

اولمشدر. نفاق و خصومتدن بحث اولونیور. حالبوکه بونلر حقنده
بحثه کیریشلده کده حمایه وصیانت ایدیلان شخصک کیم اولوب نفاق
و خصومتک کیملر بیننده جاری اولدیغنی اکلامق الزمدر.

۵۰۰ سنه نك برأسارتدن صکره اوأسارتک نمونه لرندن بلغارلر
آراسنده ده قالمش اوله جنی مثللو ترکلر آره سنده دخی موجود ایدوکی
شبهه دن آزاددر. نفاق و خصومت واقعه شخصی اولدیغندن آنک
رفع وازاله سنه رجال حکومت و متمدن کنجلر غیرت ایتکده در.
بلغارستان اعلان استقلالدن صکره سربست عمر کچورمکه باشلایوب
دین ومذهب تفریق اولنیه رق بتون ملتلر مساوات حقوقه نائل
اولدیلر (!) مملکت مزه اک حر قانونلر تطبیق وادخال اولوندی.
عدالت لایق اولدیغنی درجه اعتلایه ترفیع اولونوب (الی ماشا الله!)
بروجه حقانیت هرشی اجرا اولوندی ایچوندرکه اوروپا دولتلری
بلغارستاندن قایتولاسیونلرینی بیله قالدیردیلر.

بلغارستانک بوترقیاتی آراسنده بعض ملتلرک کری قالدیغنی صحیحدر.
اوملته ترکلر در. فقط آنلرک ترقیسنه بلغارستان دکل کنندی دینلری (!)
ولعصلری مانع اولمده در. بونکله برابر آنلر بلغارستانده ترکیاده
بولونان ترکلردن دها متمدنرلر.

ادهم روحی بوندن التی سنه قدر اول ترکیانک دور حمیدی
تعقیباتندن رها بولق اوزره بلغارستانه کلوب بوراسنی ملجأ اتخاذ
ایتشدز. روحی ۱۹۰۷ سنه سی ایلونک یکریمی ایکینسه قدر بلغارلرک
ترقیاتندن بحث ایتمش، آنلری ثنا ایتشدی. آنجق تاریخ مذکوردن
صوکره بلغارستانده قوللر قیریلوب باشلر یارلیدیغنی، حسابسز مسلمان
قل و تلف ایدلیکنی، اولمش مسلمان قادیلرینک فرجه قازیق
صوقولدیغنی، بلغارستانده یاشامق مشکل اولدیغنی یازمغه باشلادی.
ادهم روحی نك بوکبی وقوعاتی پروتستو ایتمه حق وارمیدر!
شبهه سز یوق ایدی. زیرا ظنمه کوربه وقوعات مذکوره حقیقت بیله
اولسه ادهم روحینک پروتستو ایتمه یه حق معنویسی یوق ایدی.
زیرا کنیدیسی ترکیادن کلش اولدیغندن اوراده بوکبی وقوعات آراسنده
یتیشمش (!) و بیومشدر.

أمین رجبوف طرفندن قتل اولونان بکچی و ملو مارینوفک مأده
قتلندن طولای یاپیلان باصقین حقنده «بالقان» غزته سنک ۶۸۰
نومرولی نسخه سنده واقع اولان نشریاتی بعدالت تحقیق نشر ایتسی
لازمکلیر ایکن تحقیق ایتسوب اولیه فلان سویله مش، دیگرندن
خبر آلمش وسائر دهرک غندی اوله رق یازمامایدی. ایشته بو اسبابه
مبنی بالقان غزته سنک ۶۸۰، ۶۸۲، ۶۸۴، ۶۸۶ و ۶۸۸ نومرولی
نسخه لر نده مندرج نشریاتک بونلر بلغارلر و ترکلر میاننده القاء نفاق
وشقاق مقصدیه یازلمش اولدیغنه مبنی بر فعل جنحدر. بناء علیه جزا
قانوننامه سنک ۱۷۳ نجی ماده سنک فقره ثانیه سی احکامجه ادهم
روحینک مجازات اولمنسی محکمه علیه کزدن طلب واسترحام ایدرم.